

A. J.  
SPECIMINIS ACADEMICI  
De  
**TRANSMUTATI-**  
**ONE SPECIERUM**  
**REGNO VEGETABILI**  
**PARS POSTERIOR,**  
Quam  
PRO GRADU,  
*Venia Ampl. Senat. Philos. in Reg. Acad. Aboëns*  
PRÆSIDE  
**VIRO MAGNIFICO**  
**D. JOHANNE**  
**BROWALLIO,**

S. S. Theol. Doct. ac Scient. Nat. Prof. Reg. & Ord.  
Publico bonorum examini sistet  
D. V. Ipsiſ Idibus Iulii An. MDCCXLV.  
L. & h. foliis.  
**JOHANNES JUSTANDER H. F.**  
*Aboënsis*

---

ABOÆ, Excid. JOH. KIÆMPE, Reg. Ac. Typ.

ГЛАВА ДЕСЯТА  
ИЗБРАНИЯ


ИЗБАТЫХ СВОИХ  
ПОКРЫТОХ СЛЯНЬ

СЛОВО ОДНОГО  
СВЯТОГО АПОСТОЛА

СЛОВО СВЯТОГО АПОСТОЛА ПАУЛА  
КО МАКРИНУ

ВЪСТАНОВЛЕНИЕ  
СВЯТОГО АПОСТОЛА ПАУЛА

СЛОВО СВЯТОГО АПОСТОЛА ПАУЛА  
КО МАКРИНУ



§. XI.

**V**enit autem nobis nomine vegetabilis omne naturale, quod ex terra gremio ex semine vel ejus analogo progerminando nascitur. Ut adeo regnum vegetabile denotet complexum omnium que crescunt & vivunt, & apud scientiam naturalis cultores generaliter plantae vocari solet.

Schol. Naturalia que in tellure nostra occurunt, aut crescere tantum, aut crescere simul & vivere, aut denique simul crescere, vivere & sentire indefessa phisicorum solertia observatum est. Hinc non inepte, similitudine a rebus publicis ducta, omnia naturalia ad tria regna referuntur; atque sic complexus rerum animale, illorum vegetabile & istorum minerale nuncupatur.

§. XII.

**C**omplexus determinationum essentiarum est id, quod forma rei appellari solet.

Conlect. Ex identitate ergo formae concludere licet ad identitatem essentiæ, & vice versa.

D

Schol.

Schol. Ne frustra notionem formæ evolvisse videamur, paucis indicabimus caussam. Observavimus jam supra ( Schol. ad §. §. 2. & 9. ) quam inexercitabilibus difficultatibus investigatio essentiarum laboret, que tamen species naturales rite distincturo incumbit ( §. 9. ). Quamobrem cum ad essentialia corporum, saltem qua eorum qualitates omnes, sensibus pertingere non detur, sis acquiescamus oportet, que per Essentiam determinantur; siquidem etiam hac mutari sunt nescia quamdiu illa supponitur salva, & horum complexus est, qui uno nomine forma dicta consuevit. Deinde & hoc adjiciendum, quod vulgo notio essentie & notio formæ plerumque habeantur pro una eademque juxta illud Scholasticorum: Forma dat esse rei, distingvi & operari: Proinde ne adeo fœcunda notio, & nostris demonstrationibus maxime proficia, obscuritate sua Lectori negotium facefferet, baud abs re esse duximus illam paucis illustrare.

## §. XIII.

**Q**uoniam omne quod existit, suam habet essentiam actualēm ( Schol. §. 2. ), habebunt etiam plantæ, siquidem illas existere per experientiam omnibus manifestum est, suas essentias actuales, conseqüenter etiam formas. ( § 12. ).

Schol. Per modum corollaris hanc propositionem deducimus ex antecedentibus; neque est quod multi simus in illi ulterius illustranda, cum veritas ejus per se non possit non esse manifesta.

## §. XIV.

**E**ssentia planta cuiusvis actualis consistit in certa, certarum substantiarum simplicium combinatione, ex qua demum resultat certa totius partium ejus integralium structura. Omnis corporis naturalis essentia absolvitur determinata harum, non aliarum substantiarum simplicium combinatione (§. 2. & ejusd. Schol.). Quamobrem cum omnis planta sit corpus existens (per exp.), suamque ideo habeat Essentiam actualem (§. 13.), sequitur etiam essentiam Plantæ actualem consistere in certa certarum substantiarum simplicium combinatione. **Quod erat Prius.**

Quicquid existit suam habet essentiam actualem, siquidem hæc illius fundamentum est (§. 2 & ejus Schol.); erit ergo per essentiam rei determinatum quicquid in re qualibet prius concipere datur (§. cit.). **Enimvero** in corpore naturali, consequenter etiam planta nihil combinatione substantiarum simplicium prius concipere licet (per prius.), quæ totum compositum, consequenter etiam partes disponit; ergo structura Plantæ, quæ in dispositio-  
ne & situ partium ejus consistit (vi Definit.),

VIZ. 3

per essentiam ejus determinatur, & per consequens ex eadem resultat. Quod erat Posteriorius.

Conlect. a. Quoniam structura totius plantæ determinatur per ejus essentiam, constituit illa etiam ejusdem formam (§. 12.).

Conlect. b. Quæcunq; ergo plantæ structura convenient vel differunt, etiam forma & essentia oportet convenient & differant (per anteced.).

Conlect. c. Ergo species plantarum ex structura eundem possunt discerni ( vi anteced. & §. 9. ).

Schol. Fluunt hec omnia e notionibus universalibus corporum cosmologicis, quin ergo etiam plantis tribus possint nil obstat. Etenim si corpus est planta, ut vere quidem est, siquidem sensu percipitur, compositum quid erit necesse est (per defin.); si compositum quid, partes habebit & primitivas & derivativas in quas resolvi poterit (Schol. §. 2.); si resolvi possunt partes, utique prius erunt connexa & combinatae. Combinatio requirit modum, eumque non in omnibus eundem; ceteroqui enim extensum fieret uniforme, quod experientia est contrarium. Equis autem non videt, ex certo modo combinationis oriri partiam determinatum coësistendi modum & situm b. e. certainam structuram? Sine nemini hoc assensum non extorquet, quamvis vel maxime etiam studio contradicendi incensus sit.

§. XV.

**R**adix, truncus & fructificatio sunt plantarum

*rum partes.* Etenim Planta est corpus, quod e terræ gremio progerminando nascitur ( §. II. ), & quod per experientiam patet, quamdiu existit, alia sui parte terræ infixum hærere, alia e terra prominere sursumque tendere, alia denique producendis fructibus inservire. Enimvero, per usum loquendi communem, earum quæque partium suo nomine est insignita, ita ut hæc, ceu generationi inserviens, fructificatio, illa circulationem vel potius motum fluidorum promovens truncus vel caulis, ista vero, ceu basis plantæ, nutrimentum e terra hauriens, radix dici conserverit; ergo radix truncus & fructificatio partes constituant plantæ.

Conseq. a. Quoniam radix, truncus & fructificatio, qua partes plantæ (per demonstr. ), eæque compositæ, suas habent structuras peculiares ( §. 14 & ejus Schol. ); sequitur in illis etiam quærendam esse omnis plantæ formam ( Conseq. a, §. cit ).

Conseq. b. Ergo differentia specifica plantarum e structura radicis, caulis vel trunci & fructificationis delumenida ( §. 9. & conseq. c. §. 14. ).

Schol. Haec partes plantarum, qua suam structuram, sibi perspectas reddas oportet is, qui in determinandis eorum speciebus suam collocare voluerit operam, nisi in tenebris

noctuarum instar vesari omniq[ue] successu frustrari, quam  
præjudicis experientiisq[ue] spuriis valedicere malit. Resol-  
vitur autem barum queque iterum in suas partes, suntque in  
radice & trunko ransi, in fructificatione, flos & fructus,  
quorum ille constat calyce, corolla, staminibus & pistillis,  
hic autem pericarpio, semine & recepeculo; e qui-  
bus tamen, in hoc semen, in illo stamina & pistilla  
sunt partes constantes, adeoq[ue] etiam essentialis, quemadmo-  
dum pro acumine suo solide satis ostendit Celeber. ad Acad:  
Req. Ups. Med. & Bot. Prof. Car. Linnaeus in suis Fundamen-  
tis Botanicis Aphor. 86. 87. 88. Porro, singula suam habent  
structuram ex dispositione & situ partium internarum re-  
sultantem in fibris & utriculis quarendam. Qui uberio-  
rem harum partium desideraverit explicationem, adeat su-  
pra nominati Celeberrimi Professoris opera Botanica. Nos  
brevitatis studiosi ea supersedemus, contenti formam &  
structuram cuiusvis planta in quo consistat generatim indi-  
casse, ut tantum ad investigationem specierunt, filii instar  
Ariadnei ejus ope ducamus.

### §. XVI.

**Q**uicunque attentionem suam dirigit & in-  
tendit ad ea, quæ in regno vegetabili  
sensus nostros feriunt, plurimas offendit plan-  
tas partibus integralibus, aut si mavis constitu-  
tivis, earumque structura a se invicem differre.

Schol. Non desunt exempla ad illustrandam propositionem  
presentem. Paucia tantum eaque maxime vulgaria addu-  
cemus. Sic ex. gr. vel nudis oculis conspicuum est descri-  
men

men inter partes, ( imprimis qua fructificationem ) hordei & avene, tritici & silinginis sive secalis, secalis & bromi vulgo lolii &c. Si cui volupe fuerit altius rimari singulas, earumque structuram oculo subjicere armato, non poterit non observare stupendam & artificiosissimam in illis varietatem. Nimir. distinguet in partibus cujusque diversitatem figura, quæ semper e structura, structura autem e situ partium, & hæc iterum ex combinatione determinata substantiarum simplicium diversorum ordinum ( §. preced. & ejusd. Schol. ) resultat.

### §. XVII.

**D**antur in regno vegetabili plantarum diversæ species. Etenim in regno vegetabili datur diversitas, quæ non solum in mutationum, sed insuper etiam partium constitutivarum variante figura & forma consistit ( §. 16. coll. cum conject. b. §. 14. ). Enimvero diversitas formæ superponit diversitatem essentialium in omni corpore ( conject. §. 12. ); ergo etiam in plantis; quæ, cum certas & diversas constituant species ( §. 9. ), sequitur illas in regno vegetabili dari.

Schol. Diversitatem specierum in regno vegetabili quivis facile admittit, qui modo communis usui loquendi a' vefā. Etus est; sed nihil minus non deerunt, qui falsa omnimodo uniformitatis materia hypothēsi delusi, essentialium diversitatem impugnare conentur, essentialiam corporis cujuscunque non nisi in modo compositionis materiae ejusmodi similariis

laris constituentes, quemadmodum jam in superioribus  
 ( Schot. §. 6. ) observavimus. Verum enim vero cum horum  
 placita atque postulata omnia, ex principiis deducantur prece-  
 riis, merisque adeo nitanur conjecturis, merito ea, cen-  
 dum jam acutioribus praetudiciorum nomine vapulantia &  
 explosa, rejicimus, remque ipsam dignam censemus, que altio-  
 ri indagine sagacioris industrie examinata etiamnum inve-  
 stigetur. Prostant hoc in negotio ubris in orbe literario  
 labores Celeberrimorum virorum sua laude bandquaquam  
 defraudandi, qui partim a priori per principia Cosmologi-  
 ca, partim a posteriori, per exquisitissima experimenta e-  
 um in finem instituta rem arduam expedire omni nisu de-  
 sudarunt. Inter illos recentiores celebrantur Leibnitius,  
 Wolffius cumque secutus Christophor. Taubenheim, in differ-  
 tiatione epistolica ad Ill. Wolff. Halam reducens edit. Aio 1741;  
 item Dan. Strahlerus & Wincklerus: ex his imprimis sunt Cby-  
 mici. Imo experientia etiam vulgaris, modo rite attendatur, di-  
 versitatem clementorum arguit. Unde enim, queso, diversitas  
 illa qualitatum, que in aliis atque aliis speciebus, etiam post  
 destructionem & dissolutionem in minutissimum partium e-  
 arum deprehenditur invariata? Cur inter diversa duo cum ter-  
 tio eodem novo commixta & operationibus cemicis subje-  
 cta differentia specifica non evanescit? Nimir. ex hordeo &  
 arena in farinam comminutis, per commixtionem & con-  
 coctionem cum aqua paratur pulmentum diversi saporis:  
 ex hordacea & silicina farina cum aqua commixta &  
 fermentata paratur per destillationem vinum combustum  
 seu spiritus vini, diverse utique indolis. Quod structura  
 plantarum, que vel oculis nudis vel etiam armatis detegi  
 potest,

potest, non omnem absolvat, que inter eas est, differentiam clarissime patet ex vario sapore, variis viribus & effectibus benignis vel noxiis plantarum diversarum, consularum, de-structarum coctarum, destillatarum &c. Idem monstrat diversitas eorum, in que analysi chemica resolvuntur diver- se plantae: e. c. spiritus rectoris, olei essentialis, aquæ plan- te proprie, olei saponacei, salis essentialis, olei empyreumati- ci &c. Et quamvis plurimæ, plantarum diversarum destruc- tarum partes earundem esse virium ac nature indicentur, adeo ut una alterius succedaneum in medicina esse posse judicetur, tamen differentiam aliquam inter easdem & ipsa sepe praxis, imprimis autem accuratius examen, synthesi nova & analysis, aliisque experimentis institutum apprehen- dit. Quid? quod specierum ejusdem generis destructarum par- tium diversas vires ipsum corpus humanum, præsertim delicatus sapientissime explicit ipso sensu atque valetudine. Nibilominus tamen non negamus, id quod nec assertioni nostræ ullatenus obstat, destructis penitus plantis, & essentialibus plurimis dissi- pati remanere ultimo posse quedam homogenea, in quibus, licet diversarum specierum reliquie sint, vix aliqua ullo pacto deneri potuit differentia; e. c. in oleo, quod g'uten plantæ dici so- let, in sale fixo & cineribus accuratissime elixatis, atque humo vegetabili, si exinde reliqua plantarum exuviae separa- te rite fuerint; quorum ea propter tamen subjectorum abso- lutam uniformitatem non adhuc defendere licet.

### S. XVIII.

**M**utationes plantarum actum non consequun- tur, nisi per coëxistentiam cum aliis, eorumque nexus. Quicquid per essentiam Entis cuius

cunque determinatur, constanter eidem actu insit oportet; siquidem posita causa determinante ponitur determinatum (per prim. ontol.). Jam autem mutationes constanter Enti non insunt (per Defin.), ergo nec per solam essentiam in eodem determinabiles sunt, (per anteced.) , consequenter neque in planta. Enimvero nihil est sine ratione sufficiente cur potius sit quam non sit (per princ. contrad.); ergo posita mutatione in planta, ponendum erit simul aliquid, unde intelligi queat, cur potius eidem insit quam non insit, potius hoc quam alio modo. Quanobrem, cum id ipsum non contineatur in ipsa planta (per demonstr.), necesse est aliquid ponи extra ipsam, simul cum eadem existens; consequenter coexistens erit causa mutationem in planta determinans. Quod erat Prius.

Quoniam mutatio in quavis planta non consequitur actioni per aliud coexistens, nisi illius in hoc ratio continetur sufficiens, vi cuius ab eodem dependeat (per prius); dependentia autem unius ab alio absolvit nexum inter duo (per Defin.); sequitur mutationes in plantis actuari per

per coëxistentium nexum. Quod erat Po-  
sterius.

Schol. Nullum exemplum a posteriori adduci potest in con-  
trarium hujus demonstrationis. Immo impieat determinari  
per essentiam solam, & tamen esse variabile. Iacum sa-  
ne abest, ut nulla obtineret mutatio in rebus, si coëxi-  
stentia adeo inter se essent similia, ut non nisi numero  
different, ut potius semper postis iisdem determinantibus,  
determinata constanter essent eadem, quamvis existerent essentia.

§. XIX.

**M**utationes plantarum sunt determinatae.  
Etenim non mutantur plantæ nisi  
per nexus coëxistentium (§. 18.), Sed omnia  
quæ existunt sunt omnimode determinata (per  
princip. ontol.), & quæ simul existunt ea eto-  
iam coësistunt (per defin.) ; ergo nexus  
eorum erit determinatus, ceteroqui enim  
omnimode determinata non essent. Si  
ergo nexus coëxistentium est determinatus,  
quin etiam modificationes aut si mavis mutatio-  
nes plantarum ceu inde pendentes (§. cit.) sint  
determinatae dubitari nequit.

Schol. Neque in hac propositione illustranda pluribus mora-  
bilem, ne ultra quam par est opuscolum angeamus. Ex se-  
quentibus etiam hinc sua constabit lux, dum in modificacio-  
nibus ex ipsis essentiis & earum cum coëxistentibus nexus de-  
ducendis occupabimur. Igitur ad illa.

E 2

§. XX.

## §. XX.

**P**roductio existentia dicitur *actio*; *causas* autem eam determinans *vis* nuncupari solet. Conlect. Ergo coëxistentium nexus (§. 18.) consistit in mutua eorum actione, quæ identidem *actionis & reactionis nomine* venit.

Schol. Qualis hæc *vis*, sit quæ corporibus competit, unde rationes reddendæ omnium quæ in iisdem contingunt mutationum (§. 18.), hactenus non liquet. Ex investigatione barum (scil. mutationem, in illarum puta virium indolem propius inquirere licebit paulo inferius.

## §. XXI.

**P**reter motum § quietem in corporibus nihil produci potest. Corpora enim substantiarum simplicium sunt aggregata (Schol. §. 2.), quæ scil. substantiæ simplices, nonnisi quoad modum combinationis immutari possunt (Schol. §. 6.). Jam autem connexionis modus involvit partium ad se invicem, qua coëxistentiam, relationis, per consequens, loci mutationem (per defin.). quæ simul constituit motum (per def.), ipsa autem connexionio sive unio ejus oppositum seu motus finitionem i. e. quietem (per def.). Quamobrem, cum præterea nihil in iisdem contingere possit (per anteced.), scil.

sequitur præter motum & quietem in corporibus nihil produci posse.

Conlect. a. Ergo corporum mutuæ actiones in productione motus & quietis, in combinatione & separatione partium consistunt, conlequenter in ortu & interitu.

Conlect. b. Quoniam omnis productionis ~~vis~~ actionis causa determinans dicitur vis (§. 20.), ergo eadem erit etiam causa determinans productionis motus, quæ a motu vis motricis nomen accepit (Schol. §. 2.), eritque ipsis substantiis simplicibus assignanda (per demonstr.), siquidem præter eas nihil in corporibus dari constat (Schol. §. cit.).

Conlect. c. Quoniam quies est oppositum motus (per defin.), & oppositorum semper contraria est ratio (per princip. ontol.); sequitur causam illius determinantem hujus causæ diametraliter esse oppositam, quæ vis inertiae vel si mavis resistentia nuncupari solet.

S. bol. Vides sic etiam a priori attributa corporum naturalium, que in Schol. §. 2. a posteriori in iisdem observari monimus, quodammodo deduci posse; immo fundamenta eorum detegi, quemadmodum idem constabit de vi attractrice ex §. sequenti.

**D**atur in corporibus vis, a vi motrice **E** inertia diversa, qua attractiva appellatur.

Quo-

Quoniam corpora derivativa sunt aggregata substantiarum simplicium (per defin.), patet substantias simplices esse eorum essentialia (Schol. §. 2.), quæ, si ponamus separatim coexistere, certo a se invicem distabunt situ, consequenter loco; quimidu autem distant, aggregata esse non possunt, ergo nec corpora derivativa (per anteced.), Quamobrem, si aggregabuntur, pristinum earum mutari necessum est situm sive locum, ita ut, quæ antea distabant, nunc sint contigua. Enimvero, loci earum mutatio, i. e. motus, qui determinatur per rationem substantiis intrinsecam puta vim motricem, semel producta primo videlicet motore, per eandem vim cessare nequit in gratiam unionis, sed potius continuat donec per aliam rationem sufficientem inhibeatur. Jam autem vis substantiis indita, quæ dicitur, inertiaz, cessationis motus rationem quidem continet (§. 21.); Sed cum ex cessatione motus plurium, nondum intelligenti queat earundem unio & cohesio; necesse omnino erit, praeter vires motricem & inertiaz in substantiis simplicibus, consequenter corporibus adhuc dari tertiam a prioribus diversam, quæ  
altrae

attractiva dici convevit, seu, ut recentiores loqui amant, attractio cohesionis.

Schol. Exemplo illustrabimus enunciata: Sint substantia simplices A. & B. separatim existentes, combinande; quin id per motum fieri oporteat nemo non intelligit ex antecedentibus, & quidem tam, ut per eum distantia illarum continuo immittantur ad contactum usque. Nam autem motus ratio producti, continetur in ipsis substantiis (per demonstr.). adeoque quamdiu durant, durabit etiam ratio sufficiens motus, consequenter etiam motus ipse, hinc neque in contactu cessabit nisi per rationem contrariam, scilicet vim inertiae, Ponamus ergo motum tamen A. & B. in contactu cessare, quis tamen inde intelligit ipsas unum rei coherere? vides ergo necessario ponendum esse in substantiis simplicibus aliquid, unde cohesionis reddi possit ratio, quod vis attractiva insignitum est nomine.

Ne vero notiones a nobis addibitate virium motricium, inertie & attractionis crux enim alicui figant, breviter notandum est, nos sub titulo vis motricis complecti. nam communum continuandi statum motus, & vim producendi motum directioni impulsus contrarium que ad vim inertie a recentioribus physicis referuntur, quam etiam vires, quibus corpora ad se invicem accedunt, que attractio mutua dicitur, in quantum bac ipsa, ab attractione cohesionis differt.

### §. XXIII.

**V**ires corporum attractivæ, saltem diversarum specierum, inter se differunt. Vires corporum

rum substantiis insunt simplicibus (consec. 6. §. 21.), quæ corporum absolvunt essentialia (Schol. §. 2.). Jam autem diversæ corporum species, diversa supponunt essentialia (§. 9.), ergo etiam omnia quæ illis insunt erunt diversa, consequenter neque vires diversarum species rum poterunt esse inter se eadem.

Schol. Falluntur itaque oportet illi, qui exinde, quod unum idemque corpus pluribus speciebus suum prebeat nutrimentum & incrementum e. g. aqua omnis generis plantarum earundemque diversissimarum vegetationi inserviat: eadem planta plurimis diversarum specierum animalibus præstent aliquid, concludunt vires horum corporum esse indifferentes ad quamcunque combinationem & quocunque corpus constitendum.

Tantum enim abest, ut hæc sibi possit constare argumentatio, ut potius manifeste laboret virtus petitionis principii, materie uniformitatem (§. 17.) in laudatis corporibus, non dum probatam, supponendo loco præmissarum majoris, secque vitiosum insuper committat in demonstrando circumlum; quod eo magis culpandum, cum aqua, qualis quidem re ipsa extat, & plantis atque animalibus inservit, haud aliter ac lixivium quoddam nature, & plurimorum heterogeneorum vehiculum consideranda sit. Etenim, si curatus hanc rem examinaverimus, longe aliter judicia nostra formare necessum erit. Attendamus primum ad animalia: canibus e. g. sape numero contingit felicitas in dem cum hominibus fruendi & vescendi deliciis, quas ex variis beteg-

beterogeneis commixtas esse nemo negabit; num vero inde sequitur eadem effluvia, ex iis ipsis deliciis in utroque corpore secerni & retineri ad sui nutrimentum & augmentum? minime, quandoquidem diversitas & reteatorum ac accrementi, & excretorum e. g. simi ab utroque reddit, contrarium evincit, & manifeste nostra, quam a priori deduximus, propositio-  
nis veritatem loquitur. Idem eodem modo ostendi potest de aqua, quam, cum eandem diversa assumunt animalia, diversi generis iterum reddunt latio. Quidni igitur idem valeat de diversis plantis, in una eademque terra vegetan-  
tibus, una eademque aqua rigatis, quippe quibus, cum  
qua nutritionis, tum qua propagationis modum, sibi cura animalibus manifestam intercedere analogiam sagaciore pro-  
dunt industria? Deinde & hoc nostrum stabilit assertum,  
quod animalibus omnibus promiscue plantis vesci non licet;  
sic venenata destructionem & interitum iisdem minantur, a-  
lia iterum salubritatem & vigorem in ipsis promovent. Quid  
hoc aliud quam diversitatem virium in illis prodit? quem-  
admodum simile quid accedit vegetabilibus; alia enim co-  
existentia eadem corroborant, b. e. per novorum corpusculo-  
rum sui similium subministrationem combinando augent,  
alia destruunt. Quod autem corpuscula, que primum in  
aqua berebant, deinde cum certis uniantur plantis, &  
eandem cum corporibus conglutinentur animalium, tot di-  
versorum modorum subire queant combinationes & compo-  
sitiones, nihil quicquam derogat veritati nostra propositio-  
nis inegalitatem virium in substantiis simplicibus diversorum  
ordinum, & per consequens in omnibus corpusculis &  
corporibus alias atque alias speciei evincentis. Nihil enim

illa inegalitas obstat combinationi unius cum pluribus, sed solummodo diversitatem modi combinationis interfert, ita ut inegaliter a diversis attrahantur, & que unius fuere essentialia, possint fieri alterius accidentalia, quemadmodum ex sequentibus pluribus patet. Non est, quod invertas, vires attractivas corporum ab omnibus eruditis non admitti, saltet enim qualitates occultas e philosophia, quorundam judicio, eliminandas esse, cum combinatio & cohesio partium, sine vi substantiis simplicibus insita concipi nequeat (§. 22.). Si vero alii eam, per virium motricium contrariam directionem, alii per mutuum conni- sum explicare velint, nobis perinde erit. Nemini de termino notionis signo littera movebimus; Sufficit nostra propositiōne eandem, quoconque nomine veniat, non adverari, sed potius pro ejus veritate militare.

Sponde certe bac veritas sepe insinuat animis omnium a prejudiciis & notionibus decepticibus vacuis. Reliquos, qui nexus veritatum, aut non perspicere valent, aut ob principium, cui innititur rationis sufficientis, iſis, nescio cuius Socinianismi & Fatalismi suspectum, admittere nolunt, minime moramur.

#### §. XXIV.

**O**MNES singulorum corporum vires determinatae sunt & indestructibiles. Vires corporum substantiis intant simplicibus (§. 22.). Jam autem substantiae simplices sunt determinatae, siquidem in corporibus existunt, & quicquid exi-

existit omnimode erit determinatum ( per princ. Ontol. ); sunt etiam indestructibiles ( Schol. §. 6.). Quamobrem, cum vires earum omnium mutationum sint principia (§ 21. & ejusd. confess. ), oportet illas non esse mutabiles, sed essentialibus substantiarum simplicium annumerandas. Enimvero, qua essentiam substantiaz simplices sunt determinatae & indestructibiles ( per demonstr.); ergo earum vires, conlequenter etiam corporum derivativorum sunt determinatae & indestructibiles.

Conlect. a. Quoniam vires corporum sunt determinatae & indestructibiles, sequitur earum effectus, mutationes nimirum, esse determinatas & constantes.

Conlect. b. Ortus igitur etiam & interitus corporum, quo demum cunque nomine veniant, determinatos & constantes esse oportet, siquidem modificationes eorum absolvunt ( conlect. a. §. 21. ).

Conlect. c. Hinc etiam propagatio plantarum, quatenus per defin. generalem, ortum corporum ex sui similibus involvit, determinata sit & constans necesse est.

Schol. Hoc Theorema, Experientia omnium temporum cum conjectariis inde deductis ex ase coincidens, invictissime comprobat, immo assensum extorquet, annalibus tot retro seculorum constantem effectuum nature uniformitatem & conuenientem.

nientiam cum suis causis nos condocentibus. Quid? quod finis Auctoris sapientissimi potentissimi ( Gen. I. v. 14. coll. cum cap. VIII. v. 22. ) idem requirat. Nihil omnino longum fore exempla per totam naturam dispersa in hujus asserti robur adducere: sedet etiam in re per se omnibus manifesta pluribus morari. Sufficit observasse, tres illos omnis humanae cognitionis fontes, experientiam, rationem & revelationem ad eandem veritatem confirmandam collimare. Sane ceu basi huic omnis in universo innitur ordo: hinc rerum nexus sapiens: hinc mediorum & finium ordinatio ultimoque fini subordinatio, summum summae sapientiae Divine documentum, dependet. Hoc si sustuleris principium, omnes te simul auferre leges motus manifestum est, consequenter etiam leges nature, quibus sublatis, corrunt omnis nexus & oratio, destruitur, tota Theologia naturalis, omnisque veritas non potest non in mundum abire somnium. Contra autem stante eodem, omnium concordia veritatum obtinetur amicissima pulcherrimusque earundem nexus. Sic facili negotio hinc deduci posse existimamus rationes ortus atque interitus corporum in mundo partialium. Etenim, cum omnes mutationes in corporibus sint per motum & quietem corpusculorum, ex viribus eorum motricibus resultantem ( §. 21. ), sequitur ejusmodi corpuscula per totum globum terraqueum dari dispersa, & per contiguitatem, quam varius motus efficit, iem vires attractivas ( §. 22. ) uniri cum corporibus, quorum, ut majorum, etiam vires attractivae majores, ulteriore inbibendo motum eorum, certum sibi coexistendi modum determinantur unde

unde corpus indies non potest non augeri, consequenter ori-  
ri tale, quale oriundum erat per vires ipsi semini intrin-  
secas determinatas. E contrario autem destrui & interire  
per contiguitatem virium repugnantium violentiorum, viri-  
bus inertie corporis patientis ad resistendum non sufficien-  
tibus, quemadmodum in Scholio ad §. praecedentem notavimus,  
& ulterius dicenda illustrabunt. Sic observamus vegetabilia,  
accedente humore & calore temperatis quotidie augeri & cre-  
scere. Unde vero illud augmentum & incrementum; num ex  
nibilo? neutquam, sed ex succo illo nutritio, quem hauriunt  
e terra, aqua & aere, que varii scatere corpusculis jam  
supra probavimus (Schol §. prec.); pro quantitate enim  
& facunditate illius observamus plantas germinare, crescere  
& suspendum in modum multiplicari, adeo ut, quo uberi-  
ori nutrimento planta quavis fruitur, eo etiam vividiores  
eius conspiciamus, partes & majorcs reportemus fructus; de-  
ficiente autem eo, contrarius etiam statim se prodit effe-  
ctus. Neque diversum ab his observare licet in animali-  
bus; quo facundiori & aptiori utuntur alimento, modo  
quantitas ejusdem vires digestrices non excedat, eo citius cre-  
scunt, pinguiores vivunt & aptiores reduntur ad genus  
suum propagandum; ex defectu autem necessarii victus, in-  
dies fame marcescere tandemque extingui manifestum est.  
Ut taceam varii generis morbos in utroq; regno conspicuos.  
Annon illi ex actione contigorum, eorumque viribus con-  
trariis dependent? Certe neque experientia in hoc nobis con-  
trariatur. Non quidem ignoramus ortus & propagationis  
rationibus reddendis systema, quod dicitur involutionis &  
Malebranchio excogitatum, sed difficultatibus insuperabilibus  
labo.

*laborare id ipsum, quis est qui non videret? Et viderunt certe  
jim acutiores, qui illi assensum denegarunt suum.*

## §. XXV.

**Q**uodvis corpus in ortu unicam tantum determinatam induere potest formam. Oris corporum consistit in combinatione certarum partium, ex viribus earum motricibus & attractivis per motum oriunda (§. §. 21. 22.), quæ cum sint inter se invicem diversæ (§. 23.) & determinatae (§. 24.), oportet inde pendentes combinationes partium, saltem in singulis corporum speciebus etiam esse inæquales & determinatas, ita, ut unius combinatio sit diversa prorsus a combinatione alterius, neque essentialia hujus combinari possint ad modum quem combinantur essentialia illius, con sequenter unumquodque corpus essentialia habebit numero determinata, combinationisque modum non nisi unicum. Jam autem essentialia corundemque modus combinationis in quovis corpore ejus absolvit determinationes intrinsecas constantes (§. 2. & ejusd. Schol.), & per consequens corporis formam (§. 13.). Quia ad eo forma, quam corpus quodvis in ortu in-

induere potest, sit unica & determinata, dubitari amplius nequit.

Conlect. a. Neque igitur Plantæ nisi unicam & determinatam in ortu induere possunt formam.

Conlect. b. Coëxistentia ergo formam plantarum aut aliorum corporum in ortu immutare nequeunt.

Schol. Optime itidem cum his consentiunt observationes ex ortu cum animalium, tum vegetabilium desumte. Elementa animalia quod attinet, nunquam fœtus eorum, nisi sua ipsius speciei formam induisse in ipsis omnium temporum annalibus observatum legitur: Fœtus hominum semper sub hominum forma prodivit: Sic ova avium suam queque omnii tempore eandem habuere & habitura sunt formam. In vegetabilibus idem obtinet: sua cuique planta invariata constat forma: arbores suos queque constantes ejusdem forme producunt fructus: herbae suas certae & constantis forme semina. Neque coëxistentia quicquam illius mutare valent, quod ex inoculatione ramorum cuiuscunq; speciei arborum in alias a se diversissimas clarissime patescit; nunquam enim in naturam arboris, cui adberent, & cum qua eodem aluntur succo nutritio degenerant, sed suam conservant formam, utut modis quibusdam varient: haud aliter ac animal non suam immutat formam quantumvis insolito frui sepe numero necesse habeat nutrimento, quemadmodum exempla humanorum fœtuum a bestiis lactatorum & educatorum &c. apud varios historiarum conditores, id extra controversiam ponunt omnem. confr. exempl. alleg. in Psychol. Rat Wolff. § 461. & Justin. libr. I.c. 4.

Quic.

Quicquid ergo contrariam sententiam soventes, provocent ad monstra, species hybridas & variationes corporum innumeras per experientiam manifestas, nihil quicquam tamen lucrabuntur. Diversam enim hae omnia tantum pre se ferunt & mentiuntur formam, non vero revera diversam habent. Et quidem:

I:o Variationes quod attinet, qualescumque demum sint, & quantacunque diversitate prodeant, modis tamen accensende sunt, qui partim regionis climati, partim loci nature & indoli partim nutrimenti qualitati, partim denique arti cultureque humanae &c. sua debent principia, e. g. color, magnitudo & partium quarundam numerus &c. quibus variantibus, forma tamen, consistens in partium essentialium, ut fructificationis in primis in plantis, staminum scilicet & pistillorum interna structura, indeque resultante figura (§. §. 14. & 15), semper & ubique manet salva.

II:o Sic species hybridas in utroque regno sepe provenientes diversa non gaudere forma, vel exinde manifestum est, quia nunquam illas propagari experiamur. Rationes hujus effectus facile possunt reddi ex iis, que ad §. 23. in Scholio diffuse exposuimus. Ex observatione Celeberrimi Linnaei de Brassica, in lucem edita cum fastis Cel. Celsii in annum proxime præterlapsum 1744, quam his interserere haud quamquam pigebit, patet, quantum in semine producat mutationem farina genitalis diverse indolis; Observatio his verbis continetur: I Engeland hände / at en Trågårdsmästare hade minkalbs god kähl / så at åtskillige betingade sig af honom samma slags kohlsfrö. Trågårdsmästaren

ren utsatte åtskillige kåhlstäckar till frö på samma säng med den gemena kåhlen; All kåhlen blommade på en gång/ stoffet fördes af väldret från den ena kåhlen til den andra; fröet blef moget och såldes dyrt; men de som köpte fröet/ singo deraf gemen blå kåhl. Trågårdsmästaren blef ständ/ som/ fast än han på ed och janivete betygade/ at han sielfamilat med egen hand fröet af jamma slags kåhl/ måste doch plichta som en bedragare. Härutaf ser man/ at en Jurist och Domare bör weta något mer än lagboken; th hade han förstådt thenna delen af naturkunigheten/ så hadde aldrig den stackars Trågårdsmästaren blifvit så estyldigt dömd. Härav lär ock hvar en som wil sättia hvid hufröd kåhl til frö/ at han intet har sembre kåhl när in til at fröas/ th/ om möllet föres af et sembre på det bättre blommeslag/ blifwer det altid en blandning.

*Sed cum ex ipsa narratione pateat, non diverse, sed eu-  
giudem speciei hanc Brassicam fuße, neq; fœcunditas beic se-  
minum propagationem bybridarum arguit, cum eo nomine  
non insigniantur nisi ex diversis speciebus ortæ. Aliquan-  
to autem majorem difficultatem nobis creare videtur Peloria,  
quam ex Linaria ortam statuit in Dissert. nuper edit. Lips.  
p. 8. & 17. idem Celeberr. Botanicus; sed cum ejus rei dis-  
cussio majorem prolixitatem poscat, quam præsens admittit  
rerum nostrarum habitus, sufficiat verbo monuisse, muta-  
ta obstante, quominus adhuc assertioni huic affensum pre-  
ber possimus, ignorato imprimis altero, qui supponi debet, pa-  
rente, & admissis propriis Peloria essentialibus, propagatio-*

neque per semina constant; quippe que utraq; ea fini a Sapientissimo Auctore diversa cuique speciei in ipso rerum primordio indita esse ex ratione & revelatione novimus, ut queque agat quod sibi convenit, imprimis genus suum propaget; deinde ut suspenda & suavissima sua varietate, artificiosissimaque etiam in subtilissimis elaborata textura, immense sapientiae Artificis O. M. vestigia exprimens, ad admirationem usque & venerationem conditoris suis ducat Entia ratione praedita. Ecquis sane mentis tante erit aut dementie aut protervia, ne dicam rabiosa impietatis atque malitiae, ut frustra tantum admiranda varietatis adparatum partium existere affirmet, scriptura S. expresse & emphatice prorsus contrarium evincente? Mirari convenit scriptorem sacrum, circa descriptionem productionis dum versatur vegetabilium; adeo sollicitum esse de inculcando fine, in quem semina, non semel, sed saepius repetendo dictitat illis indita fuisse. Verba illius veritate Tremellio adducere juvabit e Gen. c. I. v. ii. que haec sunt: Et dixit DEUS, herbescat terra herbulas, herbas fermentantes semen, arbores fructiferas, edentes fructum NB. in species suas, in quibus in um NB. sit semen super terram; v. 12. De executione itidem hoc: & produxit terra herbulas, herbas fermentantes semen NB. in species suas, & arbores edentes fructum, in quibus NB. semen suum est in species suas: Et vidit DEUS id esse bonum.

H; Monstra denique si consideraverimus, utpote in regno animali magis vulgaria, illa neutiquam formam a corpore, ex quo orta sunt, diversam habent, quamvis in quibusdam ac-

siden-

cidentalibus different: neq; inepte cauffam diversitatis eorundem  
cujuscunque e vi, qua animalia pre vegetabilibus gaudent,  
sensitiva & representativa derivari existimaverim, quam  
inter & vim motricem in illis connubium & nexus inter-  
cedere arbifsum quotidianam palam loquitur experientia.  
Quae vero in regno vegetabili occurunt monstra, ex nimis  
ucco nutritio, insectis, variisque morborum generibus origi-  
nem ducunt.

Sic tandem pertigimus ad illa usque principia, ex quibus  
facili negotio erui potest, immo sua sponte, per modum  
corollarii, fluit demonstratio, transmutationis controversiam  
solide & feliciter decisura. Et quidem in genere questio-  
nem transmutationis instantaneæ jam solvimus in superiori-  
bus ( §. 10. ); sed latius acceptæ, quatenus nim. per eam  
corpora, imprimis plantæ in ipso ortu constitutæ, atque  
aliam a priori diversam vulgo creduntur induere  
posse formam ( Schol. §. 1. ), gordii instar nodi tot diffi-  
cilitatibus involutam, totque objectionibus obnoxiam esse of-  
fendimus, ut nobis, rite nosmet extricaturis, tanto demon-  
strationum adparatu munire necessum fuerit, ne omni suc-  
cessu hoc in negotio conatus frustrarentur nostri. Ipsa  
autem questionis decisio hac est.

### §. XXVI.

**Q**uoniam quodvis corpus, in specie quæ-  
vis planta, non nisi unicam & determina-  
tam in ortu induere potest formam ( per §.  
præced. ); sequitur omnino transmutationem spe-

cierum in regno vegetabili s. inter plantas, et  
jam in ortu, esse impossibilem, siquidem illa con-  
versionem unius essentiae in alteram a se planè dis-  
verlam involvit (§. i. coll. 13. & ejus const. ).

Schol. Experientie prorsus consentanea etiam est hac pro-  
positio. Nemo enim adhuc vidi canem feles, corvum ova-  
pe erisse gallinacea, vel plantam adenæ protulisse jemina  
bordeacea. Neque unquam pullus an'erinus ex ovo gallina-  
ceo aut vicissim exclusus fuit. Quomodo ergo ex jemine  
tritici, secalis aut bordei prodibit planta diversæ speciei,  
cum semen, propter analogiam, quam animalia & plantas  
intercedere detectis est probavit exquisissima recentiorum  
industria, ovi in hoc regno sustineat vices?

Sane, qui se contrarium expertos esse clamitant, vitium  
subreptionis turpiter committunt, iudiciumque sibi istud per  
solam conjecturam formant, minime vero probant. Qui e-  
nim exinde, quod, cum semina, e. g. tritici ne quidaem  
perfuctorie selecta, sed solummodo obiter oculis lustrata,  
solo commiserit, viderit simul cum tritici plantis, binc inde  
differsas progerminare & crescere plantas filiginis s. secalis,  
stacitum illas in has transmutatas transformatasque esse con-  
cludit, ne, illi preciare satis argumentatur, scilicet a ha-  
culo ad angulum. Namirum non assertunt tales ad o-  
mnes circumstantias plurimasque cau'as secundas, que con-  
currere possunt ad phenomenon hoc producendum. Sic non  
adverunt, quam facile grana & semina plantarum pos-  
sint dispergi. Omnes suis fruges, diversarum licet specierum,  
in idem seze colligunt borreas; eodem triturant in tribu-  
tario

53

lario; unde frumentum, quod deinde terra mandant, non  
potest non esse variis heterogeneis seminibus intermixtum:  
sepe sementem dum facimus arvum tritico ferendum adeo prope  
adjacet, ne dicam prorsus adharet terra secali inspergente,  
ut inter seminandum grana bujus, imprimis turbida exi-  
stente tempestate transferantur in arvum illius, & dein,  
agro varie, aut vomere aut cratibus sulcato versatoq; cum gra-  
nis eidem destinatis disseminentur. Deinde sunt plures modi &  
casus, quibus ceu fere imprevisis semina possunt circumspargi.  
Varii generis frumentis vesci etiam animalia norunt qui-  
dem omnes, siquidem singularis fere Agricolis, saltem opulen-  
tioribus usu receptum est, equis avenam & hordeum, por-  
cis siliginem saginandis, imprimis lolio intermixtum, in e-  
scam prabere; quod vero grana, quotquot ab illis mandu-  
catione non destruuntur in intestinis coruus non digerantur  
aut corrumpantur, sed cum excrementis & stercore impune  
exonerata maneat fœcunda donec cum simo socio, putredine  
non calefacto, in stercorandos agros transportentur, in iudexq;  
ceu utero sibi proprio excrescant, paucissimi observarunt. Sic  
aristis & straminibus fere omnia pascuntur jumenta & pe-  
cora, e quibus inter minducandum non potest non in bu-  
mum decidere magna pars, & cum stercore heime adhuc  
in agros ducendi; ubi accidente cultura & pluvia, semina  
in aristis post triturationem residua & delitescentia, tan-  
dem excrescent late, & sape mirum in modum, in terra  
preprimis fœcunda multiplicantur. Quod non sine volu-  
ptate etiam mihi hoc vere, presentibus pluribus ar-  
bitris, observare licuit; praterquam quod semina ab avi-  
bus sape numero in loca maxime diffusa transportentur.  
No riteam quod grana sapenumero, quemadmodum sagacio-

ribus naturæ indagatoribus experiri contigit, per plures annos, deficiente humore sufficiente, in terra dilitescant, quippe que, utpote diversarum specierum etiam diversam poscent tempestatem propagationi sue proficiam. Sic præterlapso A:o 1740. siccâ plurimum existente tempestate verna & maximam partem quoque astiva, per totam fere Fenningiam Bromi sive Lolii inter siliquinem crescentis propagationem insigniter retardatam fuisse plurimi mecum observarunt; quippe cuius speciei plantas eo anno vergente denum mense Junio, seu circa dies illius ultimos e terra quasi reviviscere conspeximus. Quod ad exempla a nonnullis antiquioribus Botanicis allata, circumstantiis & accuratiōne, ad experientiam certam reddendam necessaria, illa carent. Sic Wormii spica Mus. 150. hinc secalina inde bordeacea, ex duabus diversis plantis, quarum alterius culmus in alterum, ope insectorum vel alio casu insertus fuerit, coalita esse potuit; Et si Gerardo Hist. Plant. 65. de granis avenaceis in spica tritici obviis referenti, fides babenda esset, necessaria fuisset accurateor eorundem descriptio, atque non anatomice tantum, sed etiam terræ appropriatæ committendo & per insequentem novam germinationem facta exploratio.

Ab his proinde casibus natales vulgaris illius erroris, de transmutatis in regno vegetabili speciebus, non sine ratione derivamus. Neque adeo mirum est, tot circumstantiis & caussis in propagatione plantarum concurrentibus, multa ante secula delusos fuisse imperitos & rudes regularum, in instituendis experimentis observandarum, quas Logices recentiū etate accurateor tractatio invenit condiditque; Ast magis mirari conuenit plerosque illorum, qui compluribus an-

nis in scientiis excoloridis viribusque ingenii acuendis desudarunt, adeo tamen ad erroneous opiniones & prejudicia, cum arripienda pronus, tum foienda defendendaq;e pervicaces inveniri, ut sepe nisi contrarium ad oculum usque demonstretur, vix rationibus induci possint omnibus, qui hoc in punto se falli posse credant. Neque profecto deessent nobis exempla ad comprobandum hoc enunciatum, si otium nobis suppeteret, nec instituti ratio prolixos nimis nos esse vetaret; interim tamen ne gratis hoc ipsis imputasse videamur, unicum adducemus. Contigit nobis, ante annum & quod excurrit in Specia degentibus, ut forte cum viro ingenii laude haudquam defrundando in agro deambulantes, sermone ad Botanicam deflectente, questionem de transmutatione specierum moveremus, eidem decidende, quasi ex tripode tantæ eruditionis reddendas, rationes expiscaturi; verum successu spem desituit eventus. Etenim nihil hic ad rationes pro negativa allatas reponebat, sed graviter tantum assereravit etiam se hoc multoties fuisse expertum, quod una quidem species in aliam deteriore degeneret, non vero deterior vicissim in meliorem renovari possit: ut sic e. g. triticum converteretur in secale, secale in bromum s. lolium & hordeum in avenam, minime autem vice versa.

Ast diu in hac sententia non persistit; brevi enim, cum arum recens, saltē per plurimos annos incultum, nulla adhibita stercoreatione, avena, ad ipsius quidem obtutum pura seminari curasset, eaque excrescente cerneret quibusdam in locis, imprimis ubi ante culturam fructicum querundam radices exsurpari cremarique curaderat, lucorum instar densissimorum empenitiores & firmiores late exsurge-

re plantas, & inter illas quasdam hordeum manifeste prodentes, extemplo, quod antea soverat judicium mutavit, & sine illa ulteriori indagine, avenam laudatis in locis in hordeum conversam esse rotunde pronunciaro. Quid? quod hoc facile in vulgus dimanasset, nisi potius temerarie credulitati, vanaque adulacioni, quam sane rationi & veritatis studio obsequium denegantes, propius in rem ipsam inquisivissimus, Eumque, evulsiis quibusdam plantulis avenae, quibusdam etiam hordei spicis prominentibus, cum integris earundem radicibus & circum circa adjacente solo, ad oculum usque sui ipsius convicissimus prejudicii. Neque enim in lucis istis, propter uberioris nutrimentum letius progerminantibus, plures, ut arbitrabatur planta hordeace quam in aliis locis inveniebantur, nedum be quotquot evellebantur hordeum proferentes e seminibus illarum, aut ille avenam soventes vicissim ex harum granis erant oriunde, radice utriusque, solo suo adhaerente leniter diluta indubie id evincente, quippe in cuius medio, sua cuique speciei residuum ex semine putamen ad imum ipsius stirpis quasi conglutinatum a pluribus distincte conspiciebatur. Hinc cum a nobis sciscitaretur, unde nam grana illa bordacea in agrum ipsius fuerint delata, facilis erat responsio; nempe sine dubio cum semine, quod famulis serendum tradiderat oculoque fugitivo lustratum hordeo carere crediderat; posse enim etiam in ipso granorum delectu quemvis facile falli nemo inficias ibit, qui vel similitudinem inter quedam vel inadvertentiam hominum observavit. Utriusque vero facti oculatam dare fidem, ubi id expostulatum fueris baudquam detrectabimus.

De cetero ex aliis patere speramus, quid valent  
 maximam partem qua ab agricolis circumferuntur experi-  
 entie quamque fallaci nitantur ralo; immo quantum na-  
 turalis scientiae cultoris intersit experimenta genuina &  
 veri nominis secernere a spuriis & falsis, nisi umbram  
 pro corpore prestare, fucumque pro ostro venditare velit.  
 Exquisitissimam prouinde industrias, attentionem & cir-  
 cumspetionem summam adhibeat oportet is, qui experi-  
 mentatoris genuini nomen rite tueri, vitiisque subreptionis  
 notam suiterfugere amaverit. Circa banc imprimis mate-  
 riam rite eodem officio functurus, ad duo potissimum  
 debet indefesso attendere studio: nimis I:o, ad terram co-  
 lendam & seminandam, quomodo videlicet illam ab o-  
 mni prestat immunem casu, quo semina quicunque alia  
 illi possunt immitti; II:o ad semina ipsa terra commit-  
 tenda & in propagatione exploranda, quomodo ante se-  
 mentem sibi acquirat eadem vera & pura unius ejusdem  
 que speciei, non simplici vice selecta, sed pluries, ad-  
 bibitis etiam arbitris, lustrata atque perlustrata. Hinc er-  
 go primum querat sibi solum nunquam antea cultum, il-  
 ludque omni circumspetione paratum serat dein granis  
 certe speciei singulatim selectis numeroque determinatis,  
 notet denique singulorum loca, quibus unum quodque im-  
 misit. Neque hoc semel & in una terra exploret, sed  
 multiplicatis vicibus, adhibitis iuxta varii generis  
 terris, quas variis etiam tempestatibus exponat, quemad-  
 modum innumeris fere modis a se factum exploratumque  
 esse sepius retulit Maxime Reverendus atque Celeberrimi-  
 mus D:rus Professor, Preses hujus Differ. & Patronus noster  
 Singularis.

Sic

Sic tandem fore certo certius confidimus, ut qui rite  
 laudato modo in hanc rem inquisiverit, non poterit non  
 experiri que sane consentanea erunt rationi, eoque ipso  
 agnoscere Eundem rationis & experientia Auctorem Deum  
 T. O. M. ex quo omnis exultat repugnantia. Cui  
 Soli Triuni Aeterno sit laus & gloria in secula  
 secuborum !!!

